

# CORONA VIRUS

NOVEL CORONAVIRUS KE ENG?



Republic of Botswana

Ministry of Health and Wellness

Produced by:  
The Department of Public Health  
Ministry of Health and Wellness  
P/Bag 00269 Gaborone, Botswana  
Tel: (267) 317 0585

## CORONAVIRUS

Coronavirus ke mogare o o bakang mhikela. Mengwe ya mehuta ya gare ya coronavirus ke Severe Acute Respiratory Syndrome (SARS) le Novel coronavirus (2019 – nCoV).

Mogare wa 2019-nCov o tlhagogile ka kgwedi ya Sedimonthole kwa toropong ya Wuhan mo kgaolong ya Hubei kwa China mme o tsweletse ka go anama le mafatshe a mangwe. Megare e e anamisiwa ke diphologolo jaaka bo mmamanhwane. Le fa go ntse jalo (2019-nCov) o tswa mo mothong go ya kwa go yo mongwe.

## NOVEL CORONAVIRUS E ANAMA JANG?

### E enama ka go:

- Gotlholo kana go ethimola ga molwetse wa coronavirus yo o sa thibang molomo kana nko.
- Amana le didiriswi kgotsa diatla tse di kgotlelesegileng ka mogare wa corona.

## KE DI FE DIKAI TSA NOVEL CORONA VIRUS?

Novel coronavirus e itshupa ka dikai tsa mhikela;

- Mogote o o kwa godimo
- Go gotlholo
- Go hema ka thata
- Letsapa le le feteletseng
- Go opa ga tlhogo

**N:B** Dikai di ka gatelela batho ba masole a bone a mmele a leng kwa tlase, bagodi, batho ba malwetse a a sa alafesegeng, batho ba malwetse a mahatlha a a sa foleng.

## KE MANG YO O MO DIPHATSENG TSA GO TSENWA KE NOVEL CORONAVIRUS?

Ope yo o ka tsayang loeto go ya kwa mafelong kana mafatshe a anang le mogare kana a amana le motho yo o amegileng.

## A GO NA LE KALAFI YA NOVEL CORONAVIRUS?

Mogare wa Novel coronavirus ga o na kalafi. Le fa go ntse jalo balwetse ba thusiwa ka kalafi go ya ka dikai tse ba di supang.

## GO KA THIBELWA NOVEL CORONAVIRUS JANG?

Fokotsa diphatsa tsa go tsenwa ke mogare ka go;

- Tlhapa diatla ka metsi a a phepa le molora le go dirisa sanitizer fa e le teng.
- Go thiba molomo ka nako tsotlhe fa o gotlholo kana o ethimola o bo o tlhapa diatla ka metsi a a phepa le molora. Latlha se o se dirisang go thiba molomo ka fa tshwanelong.
- Ikgaphe mo go bothhe ba ba nang le dikai tsa mhikela.
- Fa o ka nna le mogote o o kwa godimo, o gotlholo kana o hema ka thata, ikopanye le ba bongaka ka bofeso o bo o ba itsise ka maeto a o kileng wa a tsaya.

## TLHAGISO GO BAETI

- Fa o tsere loeto ela tlhoko bophepa gape o ikgaphe mo mafelong a a amegileng le a a mosuke.
- Tlhomamisa gore o a tlhatlhobiwa fa o goroga gore o bone thuso ya bongaka ka bofeso.
- Ba ba gorogang go tswa kwa mafelong a a amegileng ba gakololwa go fokotsa metsamao mo lobakeng lwa beke tse pedi.

Tlhapa diatla ka metsi a a phepa le molora le go dirisa sanitizer fa e le teng.